

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

De Divina Psalmodia, Ejusque Causis, Mysteriis, Et Disciplinis, deque variis
Ritibus omnium Ecclesiarum in psallendis Divinis Officiis, Tractatus,
Historicvs, Symbolicvs, Asceticvs. Sive Psallentis Ecclesiae Harmonia -
Opus novum, & curiosum, ac multiplici eruditione illustratum ... Operum ...

Bona, Giovanni

Parisiis, 1678

§. XI. De Psalmis. Psalmorum encomia ex Patribus. Psalterium
compendium est omnium scientiarum. Divisio Psalterii. Psalmius quid sit.
Vusus Psalmorum laudabilis, antiquissimus.

urn:nbn:de:hbz:466:1-9929

DE SINGULIS PARTIBUS

O signa ! ô monstra ! ô sanæ ludibria mentis !

O vigilans somnus ! ô sine nocte dies !

O rutilans nox ! ô sapiens dementia ! flamma

Ardorem extinguiens ! os sine voce loquax !

O casta ebrietas ! clamosa silentia cordis !

O ubi sum ? quid ago ? quo furibunda feror ?

Desipiō, tu cogis Amor. Sed nunquid inermis

Semper ero ? & mortem semper inulta feram ?

Arma, arma huc ferte, huc fidi properate sodales,

Ferte enses, gladios, spicula, tela, faces.

Quid moror ? & cesso jaculum torquere, vel hastam,

Et non incerta figere tela manu ?

Sed jam vixit Amor proprio comburitur igni,

Et patitur telis vulnera facta suis.

Dicite io pean, io plaudite : vīctor Amoris

Est Amor, en vīctas porrigit ille manus.

Ponite vos socū tumulum, tum cēdite saxo

Hac duo perspicuis carmina scripta notis.

Hac tenet urna duos alterna cēde peremptos :

Vixit uterque fuit, vīctor uterque fuit.

§. XI.

DE PSALMIS.

*Psalmorum encomia ex Patribus. Psalterium compendium est
omnium scientiarum. Divisio Psalterii. Psalmus quid sit.
Vīsus Psalmorum laudabilis, & antiquissimus.*

I. **I**ngens argumentum, & non unius operis esset,
quicquid de Psalmis ab orthodoxis viris praeclarè
dictum, & sapienter excogitatum est in unum collige-
re: superat enim argumenti fœcunditas, vel diligen-
tissimi scriptoris sedulitatem, ut ex multis pauca se-
cernere res ardua sit, cuncta vero in pauca congerere
pompam potius ingenii præ se ferre, quam solidam

legentium utilitatem videatur. Satis igitur erit in tanta rerum copia præcipua quædam non meis, sed sanctorum Patrum verbis carptim adnotasse, quæ Psalmorum præstanciam, vim, & excellentiam sinceris mentibus ostendant. Nulla pars est sacrarum Scripturarum, in qua ornanda, & interpretanda plura sudarint tum veterum, tum recentiorum ingenia, ut ad eorum labores curiosi lectoris studium omnino remittere debam circa varias difficultates, quæ de Psalmorum auctore, materia, nomine, divisione, titulis, ordine, & argumento in ipso tractationis limine disputanda forent. His igitur consultò prætermis excitatandus lectoris animus est ad amorem Psalmodiæ ignitis Sanctorum eloquiis, & exhortationibus. Extat in primis admirabilis viri (^a) Ephræm Syri præclarum encomium in Psalmos. Cum Deo, inquit, multis, cum hominibus paucis loquere. Psalmus in ore tuo sit assidue. Quoniam Deus cum nominatur dæmones fugat, & psalmem sanctificat. Psalmus tranquillitas est animæ, designator pacis. Psalmus amicitiæ conciliator, dissidentium unio, inimicantium inter se fœdus, ac pacificatio. Psalmus Angelorum ad subveniendum inducito, præsidium timoris nocturni, requies à laboribus diurnis, infantium tutela, ornamentum senibus, majorum natu consolatio, mulieribus aptissimum ornamentum. Hic solitudines inhabitat, conciones temperat, rudibus est instructio, proficientibus incrementum, perfectorum firmamentum, & vox Ecclesiæ. Hic festa collustrat, hic dolorem secundum Deum operatur. Etenim Psalmus ex lapideo etiam corde lacrymas excutit. Psalmus Angelorum opus est, cœlestis manus. atque administrario, incensum spirituale. Psalmus mentium illuminatio, ac corporum sanctificatio. In hoc, fratres, nunquam exerceri desistamus,

^a Ephr. Syrus to. 1. pag. mihi 13.

& domi, & extra, in viis, & dormientes, & excitati, loquentes nobis metipsis in Psalmis, & Hymnis, & Canticis spiritualibus. Psalmus piorum gaudium: hic otiosiloquium exterminat, risum reprimit, judicium suggerit, animam in Dei laudem excitat, cum Angelis chorus agit. Hæc Ephræm Syrus, cui Græcorum eloquentissimum adjungo (*b*) Basilius. Psalmorum liber, ait iste, quidvis ex omnibus in se complectitur, quod usui sit omnibus, futura certissimis præcinit oraculis, historicam continet narrationem, leges sanctæ vitæ sanctius instituendæ, cuique agenda præscribit, & submonet. Utque semel omnia, liber hic bona omnis doctrinæ uberrimum quoddam est, & commune promptuarium. O inventum sanè quam admirabile, ac sapiens Doctoris, qui excogitavit quo pacto una, eademque opera ipsi melicos cantus emodularemur, & doctrinam animæ salutarem condisceremus! Quid porro non hinc possis edoceri? non fortitudinis magnificientiam? non exactam severitatem justitiae? non temperantiam vel ipso aspectu venerabilem? non absolutam perfectionem prudentiae? non pœnitentiae formulam? non modum patientiae? non denique quicquid dicere possis de genere bonorum? Hæc & alia plura verè magnus Basilius, cui consonat Chrysostomus Homilia 7. de pœnitentia.

II. Latinorum quoque doctissimus Augustinus cum in omnibus scriptis insigni niteat eloquentia, in Psalmis tamen laudandis, & explicandis tanta pollet dicens facundia, ut seipso major videatur. Quid (*c*) Ambrosium commemorem? cuius oratio tanto difficit verborum nectare, ut de illo merito usurpem Davidicū illud, *Quam dulcia fauibus meis eloquia tua!* super mel ori meo. Quid dulcius his verbis, quibus Psalmorum explicationi præludit. In libro Psalmorum profectus est omnium, & medicina quædam salutis

b Basil. præf. in ps. 6. / hom. in ps. 1. *c* Ambros. præf. in psal.

humanæ. Quicunque legerit habet quo propriæ vulnera passionis speciali possit curare remedio, Psalmus benedictio populi est, Dei laus, plebis laudatio, plausus omnium, sermo universorum, vox Ecclesiæ, fidei canora confessio, auctoritatis plena devotio, libertatis lætitia, clamor jucunditatis, lætitiae resultatio. Iracundiam mitigat, solitudinem abdicat, mœrorem mallevat. Nocturna arma, diurna magisteria. Scutum in timore, festum in sanctitate. Imago tranquillitatis, pignus pacis, atque concordiæ, citharæ modo ex diversis & disparibus vocibus unam exprimens cantilenam. Diei ortus Psalmum resultat, Psalmum resonat occasus. Mulieres Apostolus in Ecclesia tacere jubet, Psalmum etiam benè clamant. Hie omni dulcis ætati, hic utrique aptus est sexui. Hunc senes rigore senectutis deposito canunt, hunc veterani tristes in cordis sui jucunditate respondent. Hunc juvenes sine invidia cantant lasciviæ, hunc adolescentes sine lubricæ ætatis periculo, & tentamento concinunt voluptatis Juvenculæ ipsæ sine dispendio matronalis psallunt pudoris: puellulæ sine prolapso verecundiæ cum sobrietate gravitatis hymnum Deo inflexæ vocis suavitate modulantur. Hunc tenere gestit pueritia, hunc meditari gaudet infantia, quæ alia declinat ediscere. Psalmum Reges sine potestatis supercilio resultant. Psalmus cantatur ab Imperatoribus, jubilatur à populis. Certant clamare singuli quod omnibus proficit. Psalmus virtutum organum est, quod sancti Spiritus plectro pangens Propheta venerabilis cœlestis sonitus fecit in terris dulcedinem resultare.

III. Grandiori cothurno attollitur Theologorum vetustissimus (*d*) Dionysius Areopagita. Sancta, inquit Psalmorum modulatio omnibus Sacerdotialibus mystériis jungitur, & substantiæ ratione cohæret. Omnis quidem textus sacræ Scripturæ, rerum substantiam, ac distinctionem à Deo conditam prædicat: aut legale

d Dionys: c. 3. Eccl. Hierat.

Sacerdotium, vivendique denunciat modum: aut sortes Dei populo distributas, ac possessiones narrat: aut judicium sanctorum, aut sapientium Regum, aut piorum Sacerdotum sensum, ac prudentiam celebrat: aut veterum hominum inter varios, & multiplices tristium casus mirabilem constantiam, immobilemque Philosophiam eloquitur: sive agendæ vitæ sapientia monita, sive divinorum amorum dulcia carmina, & divinas effigies profert: sive plenas doctrina salutari futurorum prædictiones enunciat; sive divina Domini Jesu in humano corpore opera loquitur: sive discipulorum ejus mores, atque instituta divinitus tradita, & ad Dei similitudinem imitando ducentia, sanctissimasque doctrinas: sive arcanam illam, ac mysticam omnino visionem dilecti discipuli, divinamque Domini Jesu, & altissimam Theologiam iis, qui Dii fieri merentur, exponit, eosque per mysteria sacra, & divina sustollit, atque confirmat. At divinorum carminum sacrosancta Scriptura, cum id præcipue intendat, ut omnia Dei eloquia, & operationes concelebret, omnia divina universaliter canit, atque exponit, aptissimum habitu inserens eis, qui eam dignis affectibus promunt. Pergit sanctus Pater ostendere ea omnia, quæ in sacris Scripturis diffusè explicantur brevi Psalmorum compendio contineri. Est igitur Psalterium consummatio totius Theologiæ, ut loquitur (*e* Radulphus Tunensis). Est totius Scripturæ summarium, est omnium insuper artium, omniumque scientiarum collectio, & promptuarium. Quicquid literator Grammaticus de congrua differit oratione, quicquid subtilis Dialeticus de operationibus mentis ratiocinatur, quicquid venustatis facundus promitt Rheticus, quicquid perspicax Arithmeticus de mystica numerorum ratione philosophatur, quicquid solers Geometra accurata delineat mensuratione, quicquid dulcisonus Musicus

e Radulph. prop. 8.

canoro

DIVINÆ PSALMODIÆ. CAP. XVI. 497
canoro pangit modulamine, quicquid siderum indaga-
tor Astrologus in sublimi sphærarum circulatione spe-
culatur, quicquid gravis, doctusque Philosophus de
rerum naturis, & proprietatibus curiosa disputat se-
dulitate; quicquid denique sacer docet Theologus di-
vinæ lucis fulgore illustratus, id totum tanquam in
amplissimo quodam scientiarum omnium thesauro in
Davidicis Psalmis reconditum reperitur. Sic varietas
ista Psalmorum, ait (f) Cassiodorus, aut pretiosissi-
mo lapidi topazio, aut pulcherrimo pavoni congruè
forsitan comparatur, qui toties diversos reddunt colo-
res corporis sui, quoties in eis desixus fuerit oculus
intendantis.

M E T R U M X L I .

Nemo Iessiadis carmina Principis
Æquo reddere plectro,
Vel dignis studeat tollere laudibus
Vana concitus aura.
Nam præceps liquidum vectus in aëra
Falsis nititur alis,
Audet qui temerè culmina scandere
Non concessa polorum.
Ut campos tumidi fluminis impetus
Rupto gurgite inundat,
Sic mentem rapidis cursibus irrigant
Magni carmina Vatis.
Nec tot flammivomis fauibus egerit
Ardens Ætna favillas,
Quot flammis populat viscera, quot faces
Psalmus vibrat amoris.
Seu Regem superum concinit, & Patrum
Laudat facta priorum,
Et castra Isacidum, justaque prælia,
Et stantes pelagi undas.

Cassiod. in Psal. viii.

K k

Seu seris referat fata nepotibus

Cœli insculpta pyropis.

Evolvitque Patris consilia, & sacros

Scribit Verbi hymenæos.

Sive implorat opem Numinis, & preces.

Pronus fundit Olympo.

Divinus fidicen semper amabili

Mulcer carmine cœlum.

I V. Theodorus ille lapsus, ad quem Chrysostomus
scripsit ut eum revocaret ad Monasterium, & à quo
Nestorius suam hausit impietatem, non amplius quam
18. annos natus, ut testatur (g) Leontius Byzanti-
nus, in Scripturas debacchatus est, non enim nisi de-
bacchationes scripturarum ejus interpretationes vo-
cari possunt, & inter cætera inscriptiones Hymnorum,
& Psalmorum, & Canticorum penitus ejecit, & om-
nes Psalmos ad Zorobabelem, & Ezechiam retulit,
tribus tantum ad Dominum rejectis, qui error intole-
rabilis est. Alii verò in hoc errarunt, quod non omnes
Psalmos à S. Rege David fuisse conscriptos existim-
runt, sed hi tamen ob hanc causam inter Hæreticos
numerari non debent, ut censuit S. (h) Philastrius
Episcopus Brixensis. Libet autem Ecclesiasticos ho-
mines hic admonere, ut Psalterium non solum verbo
tenus memoriter scire, sed ejus quoque mysticam in-
telligentiam percipere studeant. Notissimum est illud
Augustini: vix nomen Sacerdotis mereri qui Psalterium
ignoraverit: & (i) Concilium Toletanum sacris Or-
dinibus eos prohibuit insigniri, qui totum Psalterium,
& Cantica usualia nescirent. Magnus item (k) Gre-
gorius eum qui Psalmos ignorabat noluit Episcopum
ordinare. Possem paginas latè implere Auctorum no-
minibus, qui Psalterium præclaris lucubrationibus
illustrarunt, sed nolo ego assumpta censoria virga le-

g Leont. lib. 3. adv. Nest. & Eurych. h Philast. de hæresib. num. 79. i Con-
cil. Toletan. 7. c. 10. k Greg. l. 4. Ep. 45.

dere arbiter tot ingeniorum, & critica dicacitate aliorum opera subtilius examinare: puto tamen hominibus mediocri præditis literatura sufficere posse Commentaria Cardinalis Bellarmini, & Paraphrasim Cornelii Jansenii; doctoribus enim hac in re legem præscribere, supercilii esset non tolerandi. R. Abraham Aben Ezra Psalterium dividit in decem Psalmorum genera. Primum est *Menatzeach*, quod nos dicere possumus carmen triumphale. Secundum *Neghinah*, cantus cum musico instrumento. Tertium *Mizmor*, Psalmus. Quartum *Scir*, Canticum. Quintum *Tehilah*, laus. Sextum *Tephilim*, Orationes. Septimum *Berachot*, Benedictiones. Octavum *Hodoth*, Confessiones. Nonum *Afre*, Beatitudines. Decimum *Halleluioth*, quæ sunt laudes *Iah*, unde Halleluiah. Porrò Psalmus Græca vox est, quæ Latinis idem est ac cantus à verbo Ψαλμος, quod est canto, sive id ore duntaxat fiat, sive addito musicali instrumento. Hebræi Psalmos vocant *Tehilim*, id est laudes, sive Hymnos, quod præcipua eorum pars in cantandis Dei laudibus versetur. Quam sit antiquus eorum usus in Ecclesia, superfluum est hic repetere, cum jam probatum sit supra capite primo. Cur verò Ecclesia præ cæteris scripturis frequentius utatur Psalmis, tractant (*l*) Radulphus de Rivo, & Joannes à Turrecremata Cardinalis, quia videlicet excellentiores sunt, ut modo ex Patribus ostensum est, perfectani orandi formam continent, suntque magis idonei ad cantum, & vocalem jubilationem. De numero Psalmorum, deque mysticis eorum sensibus, & de usu psallendi insignem tractatum scripsit Joachimus Abbas in tres libros distinctum. De privato usu Psalmorum quomodo, & qua ratione in diversis occasionibus illis uti debeamus, differit Athanasius in aureo libello de interpretatione Psalmorum ad Marcellinum, qui tractatus & lectu dignissimus est, &

^l Radulph. prop. 8. & 9. Turrecrem. in regul. S. Benedict. trac. 75.

Christianis omnibus maximè utilis. Docet (*m*) Amalarius nos stare solere, quando Psalmos cantamus, ut ex situ corporis affectum mentis demonstremus, panatos videlicet nos esse ad exercitium operis; quod per Psalmos significatur. Parum enim valeret Psalmorum modulatio, ni bonorum operum executio oris cantum sequeretur. Finio hac præclara melliphthongi (*n*) Doctoris parænesi. Cibus in ore, Psalmus in corde sapientium illum terere non negligat fidelis, & prudens anima quibusdam dentibus intelligentiae suæ: ne si forte integrum glutiat, & non manuum, frustretur palatum sapore desiderabili super mel, & favum. Mel in cera, devotio in litera est. Alioquin litera occidit, si absque spiritus condimento glutieris. Si autem cum Apostolo psallas spiritu, psallas & mente, cognosces & tu de illius veritate sermonis: quem dixit Iesus: *Verba quæ locutus sum vobis, spiritus & vita sunt.* Sic delectabitur in crassitudine anima tua, sic holocaustum tuum pingue fiet: sic placabis Regem, sic placebis Principibus, sic denique totam tibi curiam benevolam reddes.

§. XII.

DE CANTICIS.

Quomodo inter se differant Psalmus, Canticum, Canticum Psalmi, & Psalmus Cantici. Canticum quid sit. De Canticorum usu, numero, materia, & antiquitate. De Cantico Te Deum laudamus. Per alia Cantica proponendum esse ad Cantica Canticorum.

I. **D**E divinis Canticis paucis agendum est, si de tanta re pauca proloqui fas erit. Orthodoxi (*a*) Patres Cantica à Psalmis distinguunt juxta diversas

m Amalar. l. 4. c. 3. *n* Bern. serm. 7. in Cant. & Hilarius, Euthymius & Chrysost. in præf. Psalm. Basilius in ps. 29.